

Universitätsbibliothek Paderborn

Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et
Varietas Patitvr ...

Quas Secunda Secundæ Et Tertia Pars Divi Thomæ Complectitvr -
Qvæstiones Insper Ad Mores, & praxim spectantes, maximè circa
Sacramenta, accuratè declarantur

Carleton, Thomas Compton

Leodii, 1664

Sect. III. Vtrùm quando utraque, vel una saltem præmissa sit de Fide,
conclusio objectiva sit de Fide.

urn:nbn:de:hbz:466:1-13826

SECTIO TERTIA.

*Vtrum quando utraque, vel una saltem
pramissa est de Fide, conclusio
objectiva sit de Fide.*

L **D**IXIMUS actum conclusionis ex diabus
præmissis per formam syllogisticam deduc-
tum, non esse actum Fidei, cum non auto-
ritate divinâ, sed discursu nitatur, nec ad revela-
tionem Dei immediate terminetur, quod in actu
Fidei ostendimus omnino esse necessarium.
Nunc ergo ulterius inquirimus, utrum materia,
sive objectum hujusmodi conclusionis sit de Fide,
sive tale, ut actus Fidei circa illud elici possit, si
nimur debito modo, immediatè scilicet pro-
pter auctoritatem divinam in rem illam teriat,
ita scilicet ut erraret circa Fidem, qui eam nega-
ret. Debent quidem actus aliqui intellectus, seu
discursus antecedere, non ut causa hujus assensus,
sed ut aliquid proponens objectum, & hoc modo
intellectum disponens ad actuum Fidei elicien-
dum, seu ad objectum illud propter auctoritatem
& revelationem divinam credendum.

II. Prima sententia affirmat objectum conclusio-
nis ex una præmissâ de Fide, & aliâ naturali evi-
dente deductâ esse semper de Fide; qui proinde
auctores docent assertions omnes Theologicas
esse de Fide; ad Fidem quippe sufficere affirmant
quod aliquid virtualiter reueletur: ita Cano de
locis, lib. 6. cap. ult. ad 10. Catharinus de gratia,
assert. 6. Vega lib. 9. in Trident. cap. 39. Vaf-
quez 1. part. Disp. 5. cap. 3. Mætratus ibidem,
Disp. 2. sect. 5. Tannerus ibidem, Disp. 1. q. 5.
dub. 3. qui ulterius addit, etiam si propositione na-
turalis non sit evidens, sed tantum moraliter certa,
adhuc conclusionem ex duabus illis præmissis de-
ductam, esse de Fide.

Secunda sententia docet, ad Fidem non sufficiere revelationem virtualem, & consequenter objectum conclusionis vel ex unâ de Fide, & alterâ naturali evidente, vel etiam ex duabus premissis de Fide deductâ, negat esse de Fide: ita Gregorius in Prolog. quast. i. art. 4. Major, Okam, Gabriel, Molina i. part. quast. i. art. 2. dub. 1. & 3. Granado ibidem, Disp. 3. seft. 2. idem tenet Capreolus, Caeretus, & alii, videturque communis Thomististarum opinio.

IV. Tertia sententia assertur, objectum conclusio-
nis deductæ ex unâ de Fide, & aliâ evidentie na-
turali tunc esse de Fide, quando conclusio con-
fusæ continentur in illâ præmissâ de Fide: ita Sua-
rez hic, Disp. 3. scit. II. & alii. Ait ergo haec sen-
tentia, quando revelatio est immediate de aliquo
toto, per eam revelari immediate omnia singu-
laria, siue circa unumquodque ex illis singu-
laribus elici posse actum Fidei, si per principium
naturale ei applicetur, seu proponatur intellectu.

V. *Ad rem hanc clarius percipiemus, adverte-*
re oportet revelationem duplēcē, formalē &
virtuālēm. Formalē revelatio illa est, per quam
res aliqua directē & immediate ac in se revelatur.
Sic Deus immediate in Scripturā revelavit, se-
cclūm & terram creasse, Adamum peccasse, &c.
Secundō quando est revelatio alicujus totius uni-
versalitatis, tunc enim immediate, ut proximē di-
ctum est, quamvis confusē revelatio fertur in
omnia singularia, ut omnis homo immediatē sig-

nificat Petrum , Paulum , Joannem , &c. etiam si
clarè & distinctè per illum terminum communem
non exprimantur , sed generatim tantum & con-
fusè.

*Revelatio Virtualis est, quando objectum aliquod non immediatè in se revelatur, sed media-
tè tantum, dum scilicet revelatur aliquid, qui-
cum objectum illud habet connexionem, sive
realiter ab eo distinguitur, sive non.* Ponamus
exempli causa potentiam risiva, seu risibilitatem,
*aliquo modo ab humana natura distingui: que-
rimus; cum non sit formaliter revelatum, Chri-
stum habere potentiam ridendi, ex eo quod re-
veletur eum esse hominem, cum sint objecta di-
stincta; Utrum saltem reveletur virtualiter, seu
an ex connexione illa potentia risiva cum huma-
na natura censerri debeat de Fide, Christum ha-
bere potentiam ridendi.*

Advertendum secundò, non esse hic quæstio- VII:
nem, Utrum præmissæ, ex quibus conclusio il-
la deducitur, faciant illam de Fide, hoc enim
nullo modo ita se habet, inò, ut supra ostendimus,
hac deductio obliterat potius actui Fidei,
qui non bonitate consequentia, sed divinâ au-
ctoritate & revelatione niti debet. Præmissæ er-
go solum ostendunt objectum illud esse de Fide,
ita ut actu Fidei debito modo ei applicato, seu
qui ad objectum simul & divinam auctoritatem
terminatur, credi possit. Præmissæ itaque enu-
cletiū rem evolvendo, clare ostendunt id con-
tineri in propositione universali, quod antea in
eâ continebatur solum obscurè, siisque, ut dixi,
non faciunt, sed ostendunt objectum illud esse
de Fide.

SECTIO QUARTA.

Assertions variae de conclusione obiectiva ex unâ præmissâ de Fide deductâ.

PRIMA Conclusio: Omne & solum re-
latum est de Fide, seu objectum, ad quod
proprius actus Fidei divinæ terminari potest. In
hoc convenienter auctores utrisque sententia: &
ratio est clara; ubi enim actus aliquis invenit ob-
jectum suum formale, potest in illud tendere;
ubi non invenit, non potest: objectum autem
formale Fidei, ut spē diximus, est revelatio & **Dificultas**
auctoritas divina, seu auctoritas nobis circa rem
aliquam per revelationem applicata. Tota ergo
dificultas est, quid censeatur revelatum, & utrum
ad hoc sufficiat, quod talen cum re revelata habeat
connexionem, ut ex eâ per discursum, seu
prmissas ritè dispositas per legitimam conse-
quentiam deduci possit.

Secunda Conclusio: Ex eo quod aliquid re-
veletur, non sequitur omne cum eo identifica-
tum revelari, aut esse materiam Fidei. Exempli
gratia, revelari potest Deum esse sapientem,
etiam si non reveletur eum esse ubique, cum haec
sit prædicta virtualiter distincta, & vox sapientis
non significet ubiuitatem, magis quam vox viuæ
profam, aut aquila leonem. Unde si pastor ali-
quis erudiens puerum dicat, Deus dicit se esse in-
finitem sapientem, nullam faciendo de aliis Dei at-
tributis mentionem, credit puer Deum esse in-
finitem sapientem, reliqua vero attributa non cre-
dit. Quare, ut tomo precedente in materia de
Revelatio
aliquo, nos
revelatur
omne illud
quod cum
sapientis
coidenti-
ficiatur.